




Gee om en word deel
Borg 'n studiebeurspakket



ATTERBURY
TRUST



ATTERBURY
FOUNDATION

By Atterbury Trust meet ons sukses aan die positiewe verskil wat ons in mense se lewens kan maak. Een van ons belangrikste bydraes tot die bevordering van opvoeding is die studenteburse wat ons sedert 1999 elke jaar toeken aan behoeftige studente met potensiaal.

Om seker te maak soveel as moontlik studente word gehelp, doen ons 'n beroep op individue en maatskappye wat ook omgee om saam met ons studiebeurse te borg.

Vir hierdie doel het Atterbury Trust 'n verskeidenheid studiebeurs-borgpakkette geskep.

GEMOEEDSRUS

Dit is belangrik dat studiebeursborgers volkome gemoedsrus het oor hoe hulle geld aangewend word.

Atterbury Trust is 'n geregistreerde publieke voordele organisasie (public benefit organisation). Dit beteken dat ons aan alle gesonde bestuursmetodiek en regulasies voldoen. Die trust word sedert 1994 deur 'n ervare span trustees streng bestuursmaatreëls en finansiële dissipline bestuur.

Zahn Hulme is die ervare en kundige uitvoerende trustee verantwoordelik vir die gesonde en doelmatige bestuur van Atterbury Trust.

Atterbury Trust verskaf gereeld terugvoer oor die beursprogram en vordering van studente. Individue en maatskappye wat studiebeurspakkette borg, ontvang verpersoonlike verslae oor hoe hulle geld aangewend word en word op datum gehou met akademiese resultate en emosionele welstand van studente.



Lee-Ann Griffiths
LLB Unisa 2017



Hanru de Vos
BCom Forensiese Rekenmeesterskap by NWU, 2017

SUKSES VAN ONS BEURSPROGRAM

Meer as 600 jong uitblinkers het reeds met Atterbury Trust en Atterbury Property Foundation NPC se ondersteuning die geleentheid gekry om verder te studeer en in 2018 is daar 221 studente in die beursprogram.

Dit gaan egter nie net oor geldelike hulp nie. Mentorskap is vir Atterbury Trust belangrik en daarom word verhoudings met ons beursstudente gebou deur middel van gereelde mentorsessies. Kontak met die wêreld van werk is ook belangrik en daarom betrek ons Atterbury personeel en assosiate waar moontlik.

Volledige inligting oor ons beursprogram is op atterburytrust.org beskikbaar.



VOORDELE VAN 'N BEURSBORGSKAP

'n Artikel 18 A-sertifikaat word uitgereik vir die belastingvoordele van 'n skenking. Skenkings aan die Atterbury Foundation Foundation NPC kan ook vir breë-basis swart ekonomiese bemagtiging (BBSEB) punte in aanmerking kom.

BANKBESONDERHEDE VIR BEURSBORGSKAPPE

Rekening Atterbury Trust • Nedbank 1497004187 • Takkode 149745
Atterbury Property Foundation NPC • Nedbank Business 1497193788

615 BEURSLENINGS TOEGESTAAN: 1998 - 2018




HUIDIGE 221 STUDENTE
PER INSTELLING (2018)



- UP 68
- NWU 37
- UNISA 35
- ANDER 32
- US 23
- UFS 16
- AROS 10


TOTALE 615 STUDENTE
PER INSTELLING (1998 - 2018)




- UP 224
- ANDER 102
- NWU 84
- UNISA 77
- US 57
- UFS 28
- AROS 17
- TUT 16
- CPUT 10

615 BEURSLENINGS TOEGESTAAN: 1998 - 2018

STUDIERIGTINGS VAN HUIDIGE 221 STUDENTE (2018)



STUDIERIGTINGS TOTALE 615 STUDENTE (1998 - 2018)



ATTERBURY FOUNDATION

Atterbury Property Foundation NPC is in 2007 as 'n nie-winsgewende organisasie in tandem met Atterbury Trust gestig. Hierdie entiteit werk in vennootskap saam met voorheen-benadeelde gemeenskappe om opheffingsprojekte te skep.

Beplande bystand en die oordrag van vaardighede is geïdentifiseer as 'n geleentheid om 'n langdurige positiewe verskil in mense se lewens te bewerkstellig. Opheffingsprojekte is tradisioneel saam met Atterbury se eiendomsontwikkelings beplan. Op hierdie manier word die hulpbronne wat vir hoofprojekte aangewend word, gebruik om 'n betekenisvolle rol te speel in die onmiddellike omgewing.

'n Voorbeeld van so 'n inisiatief is die Bergvryer Vaardigheidopleidingsprojek. Dit is deur die Suid-Afrikaanse Vereniging van Eiendomsontwikkelaars (SAPOA) vereer as een van die mees innoverende projekte in sy afdeling.

Ander suksesvolle projekte sluit in die Re-Connect skuiling in Constantia Park, die Alkantrant en Soshanguve biblioteke, wat destyds as deel van die Lynnwood Bridge ontwikkeling gebou is, die Geelhout Landgoed uitheimse boomverwyderingsprojek buite George asook werkskeppingsprojekte in Johannesburg se middestad saam met Newtown Junction.

Net soos Atterbury Trust, belê Atterbury Property Foundation NPC ook in opvoeding en die maksimalisering van almal se potensiaal deur vaardigheidsontwikkeling en die toekenning van studiebeurse.

As deel van Atterbury se nuwe bemagtigingstransaksie, besit Atterbury Property Foundation NPC nou saam met die Talis-konsortium aandele in Atterbury Property Fund (APF). APF is 'n eiendomsontwikkelings- en beleggingsmaatskappy wat in 'n 70/30 verhouding deur Atterbury Property Investments (API) en Talis Investment Partners (TIP) besit word. Die voorsitter van APF is Tebogo Mogashoa.

KAROO SUITE: DIE BOEK

Coenie de Villiers en Deon Meyer se magiese teateropvoering Karoo Suite is met die hulp van Atterbury Trust in 'n asemrowende koffietafelboek omskep. Coenie en Deon ontvang geen vergoeding vir die boek nie.

Alle koste van die boek is deur die trust gedek sodat 100% van die verkoopsinkomste aangewend kan word om studiebeurse toe te ken aan voorheen benadeelde Afrikaanse jongmense van die Karoo. So word hierdie leerders met potensiaal die geleentheid gebied om hulle beste te kan bereik.

Die spesiale Karoo Suite-studiebeurse word deur Atterbury Property Foundation NPC op dieselfde manier as Atterbury Trust se studiebeurse bestuur.

Alle studiebeursborgskappe aan Atterbury Property Foundation NPC kom in aanmerking vir BBSEB punte.



BEURSBORGPAKKETTE

AttFinansies

- Borg 'n AttFinansies studiepakket en neem 'n student aan wat in die wetenskap van besigheid studeer
- Ondersteun 'n student met 'n borgskap van R75 000 en maak seker jou beursborgskap hou aan werk
- Ideaal vir studente in BREk en BCom studierigtigs

AttMedies

- Borg 'n AttMedies studiepakket en neem 'n student aan wat in die mediese wetenskappe studeer
- Borg 'n AttMedies studiebeurs van R125 000 en maak seker jou beursdонаsie bly gesond
- Ideaal vir studente in MBChB, tandheelkunde, BSc en ander biologiese studierigtigs

AttScientia

- Borg 'n AttScientia studiepakket en neem 'n student aan wat in die algemene, landbou, tegnologie of fisiese wetenskappe studeer
- Borg 'n AttScientia studiebeurs van R100 000 en maak seker jou beursdонаsie bly bou
- Ideaal vir studente in ingenieurswese, argitektuur, boukunde, rekenaarwetenskap en ander wetenskaplike studierigtigs

AttKultuur

- Borg 'n AttKultuur studiepakket en neem 'n student aan wat in tale, drama en ander BA rigtings studeer
- Borg 'n AttKultuur studiebeurs van R50 000 en maak seker jou beursdонаsie laat stof tot nadenke
- Ideaal vir studente in die geestes- en sosiale-wetenskappe

Eie pakket

- Borg jou eie pasgemaakte studiepakket en besluit self hoeveel en vir watter studierigting jy graag 'n beurspakket wil borg.
- Ideaal vir studierigtigs wat nie deur die ander pakkette gedek word nie

KONTAK

Zahn Hulme

zahn@atterbury.co.za

012 471 1600

Atterbury Trust / Atterbury Property Foundation NPC

Die Klubhuis, Tweede Vloer

Hoek van 18de Straat en Pinaster Laan

Hazelwood, Pretoria



KONTAK
Zahn Hulme
zahn@atterbury.co.za
012 471 1600

Atterbury Trust / Atterbury Foundation
Die Klubhuis, Tweede Vloer
Hoek van 18de Straat en Pinaster Laan
Hazelwood, Pretoria

